

王宗立^{*}

總統令

中華民國98年8月18日
華總二榮字第09800206552號

內政部空中勤務總隊飛行員王宗立，秉性純孝，識慮周達。少歲躬歷行伍，卒業陸軍軍官學校，復參與飛行相關訓練課程，淬礪圖強，幹濟有聲。嗣解甲效力空中勤務，迭預諸項重大災變，殫精竭智，夙夜在公。詎料莫拉克颱風來襲，奉派支援屏東災區，搜尋輸送倒懸捱命同胞，往返運補民生必需物資，委重投艱，勞瘁弗避。惟迺天候不佳，心繫災黎，毅然蹈危救護，慷慨捨身殉職，布德履仁，群流共仰；義烈霽範，彤史芳傳。應予明令褒揚，益摠忠藎，以慰英靈。

總統 馬英九
行政院院長 劉兆玄

^{*} 編者按：王宗立先生卒於民國98年8月11日。